

Alkitab Sagan Kakanakan Mengenal akan



Pangiran nang
Manjadi
Gambala



Panulis: Edward Hughes

Nang manggambar: M. Maillot; Lazarus
Alastair Paterson

Nang manyusun: E. Frischbutter; Sarah S.

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Pas ngintu Musa malihat saurang
Mesir mamupuh budak Yahudi.
Biar Musa diganalakan
lawan dididik sabagai
pangiran di Istana
Firaun, Inya tatap
saurang Yahudi.
Inya harus
manulung
sasama urang
Yahudi.



Salintas malihat sakalilingnya mayakinakan kada saurangpun malihat, maka Musa manyarang urang nang mamukul budak ngintu. Parkalahian ngintu barkalanjutan lawan matinya urang Mesir ngintu. Lakas inya mangubur urang Mesir ngintu.



Isuknya, Musa melihat dua urang Yahudi bakalahi. Inya bausaha mahalat buhannya. Saurang baucap "Apakah ikam pancangan mambunuh aku kaya ikam mambunuh urang Mesir?" Musa takutan. Samunyaan urang tahu tantang kajadian marian. Firaun tahu. Musa harus malariakan diri. Inya tulak ka nagara

yang bangaran
Midian.



Pas Musa baristirahat di banyu, tujuh anak binian matan imam di Midian datang maambil banyu hagan minum gaduhan abahnya.



Gambala-gambala lain bausaha manunjul binian-binian ngintu kapinggir. Musa malindungi lawan manulung binian-binian ngintu.



"Ikam bulik lakas" Rehuel, Abah anak-anak binian ngintu baucap. Pas anak-anaknya manjalasakan kanapa, inya baucap, "Bawa lakian ngintu kasini". Musa badiam lawan Rehuel, nang disambat Yitro. Imbah ngintu

Musa kawin lawan putri matan Rehuel.



Babulik ka Mesir, Firaun maninggal.
Anak-anak Tuhan, urang
Yahudi masih manjadi budak.
Kayaapa buhannya bagarunung
didalam kasusahannya.

Kayaapa

buhannya badua
lawan Tuhan muhun
bantuanNya. Tuhan
mandangar dua buhannya.



Musa kada tahu, tapi rancana Tuhan mamakai inya hagan manulung urang-urang Yahudi nang manjadi budak. Ampat puluh tahun sudah liwat Musa maninggalakan tanah Mesir. Inya adalah gambala hewan ampun Rehuel. Tapi inya salalu marasa kahilangan bangsanya

saurang, bangsa Yahudi nang badiam di Mesir.



Pas ngintu Musa maitihi sagumpal
jangking nang tabakar. Tapi apinya
kada mambakar jantung-jantung.
Musa mamutusakan hagan
manyalidikinya.



Pas Musa baparak, Allah mahiau inya matan janting-janting mgintu. "Musa!" "Aku disini," ujar Musa. "Jangan talalu parak," Allah baucap. "Lapas alas batismu, baraga wadah ikam badiri ngintu tanah suci."



"Aku pacangan mangutus ikam ka Firaun hagan mambawa bangsaku kaluar matan Mesir," Allah baucap. Tapi Musa takutan hagan tulak ka Mesir.



Imbah ngintu Allah manunjuakan Musa akan kakuasaanNya. Inya mangubah tungkat Musa manjadi ular.



Pas Musa mamingkut ikur ular lawan maangkatnya,
ular baubah manjadi tungkat lagi. Allah mambariakan
tanda pulang.




"Andaklah tangan didadamu," Inya mamarintah Musa.
Musa manggawi nang diparintahakannya, Tangannya
baubah manjadi putih lawan
jadi bapanyakit kusta.



Pas Musa maulangi pulang garakan
tangannya, inya manjadi wagas.



Musa masih haja kada satuju. "Aku kada lihai bapandir," ujar Musa ka Allah. Allah jadi sarik. "Aku pacangan mamakai Harun, dansakmu, hagan manyampaiakan napa ujarku," UjarNya.



Musa babulik ka Yitro,
manyimpun barang-barangnya
lawan tulak ka Mesir.




Allah manuntun Harun dansanak Musa hagan manamuinya di pagunungan. Musa bakisah samunyaan rancana Allah tantang kayaapa mambibasakan bangsa Yahudi matan bangsa Mesir ka Harun. Buhannya mambawa habar ngintu ka pamuka-pamuka bangsa Yahudi.



Pas ngintu Musa manujukakan tanda-tanda lawan pamuka bangsa Yahudi, buhannya tahu Allah pacangan manulung buhannya. Beimbai, buhannya basujud manyambah Allah.




Lawan gagah Musa lawan Harun manghadap Firaun. "Allah baucap 'Lapasakan bangsa ku'," ujar buhannya ka Firaun.



"Aku kada pacangan malapasakan bangsa Israel," Ujar Firaun. Inya kada taat lawan Allah.



Tuhan harus mamakai kakuatan ganal-Nya hagan maubah fikiran Firaun.



Pangiran nang Manjadi Gambala

Sabuting kisah matan Firman Tuhan,
Alkitab

Taulih dalam

Keluaran 2-5

"Amun tabuka, firman-firmanPian mambari
pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

